



**Commentarivs Pavli Bernriedensis, Antiqvi Scriptoris, De
Vita Gregorii VII. Pontif. Max.**

Paulus <Bernriedensis>

Ingolstadii, 1610

XXVIII. De Electorum Imperij literis, quibus fatentur Electoralem
dignitatem à Sede Apostolica ad se venisse.

[urn:nbn:de:hbz:466:1-65381](https://nbn-resolving.de/urn:nbn:de:hbz:466:1-65381)

CAPVT XXVIII.

*De Electorum Imperij literis, quibus fatentur
Electoralem dignitatem à Sede Aposto-
lica ad se venisse.*

RE CITANTVR à Baronio Tom. 10. Annaliū Anno Christi DCCCC. XCIV. à Bellarmino lib. 3. de Translatione Imperij & à Nicolao Serario lib. 1. Rerum Mogunt. cap. 26. Calvinista, omisso Bellarmino, in Baronium & Serarium incurrit; vt se hominem festiuum probet, Baronium *Philippinum*, vocat; Serarium, *Loiolanum*; quod congre-
gationis Oratorij, ex qua Baronius; Philippus Nereus;
Societatis autem Iesu, ex qua Serarius, Ignatius Loio-
la Auctor & institutor fuerit.

Thrasonisè multa iactat, quomodo hos duos sit prostratus. Et vbi ad rem ventum est; conuicia vo-
mit; nec aliud agit. Nam quid ad auctoritatem Inno-
centij in cap. *Venerabilem* reponit? Nihil; nisi calum-
nias. Nempe *Innocentium*, hand dubiè agrotum, per somni-
um, in contemplatiō suo cerebro imaginatum esse, dignitatē
Electoralem ad certos Germania Principes à Sede Apostolica
manasse: hoc ignorasse Gregorium VII. & Hadrianum IV.
eius amulum. En solidissimam responcionem; si tamen
strenue calumniari, est solidè respondere. Si queras ex
Calvinista, vnde nouerit hoc fuisse Gregorio VII. &
Hadriano IV. ignotum, nil aliud recinet, quam ita se
putare; non enim legi, illus hoc ius notum fuisse. Egregie pror-
sus. Non legitur, Gregorium VII. sciuisse, vnde ius Electorū
ad Germanos delatum fuerit; ergo non sciuit. Quis te, Cal-
vinista, hanc argumentandirationē docuit? Imò ideo

y non

non sit mentio horum Electorū in monumentis Gregorij VII. quia in omnibus controversiis, quas cum Henrico IV. Rege habuit, hoc pro certo semper supponebatur, Imperium, & quæ ad creationem Imperatoris pertinent, à Sede Apostolica ad Germanos venisse; neque Gregorius vñquam Electionem Henrici in Regem Romanorum oppugnauit. De inuestituris Episcoporum, & Electione ac confirmatione Pontificis Romani potissimum contendebatur: imò ipse Henricus Imperatoris dignitatem & nomenclaturam adeo à Sede Apostolica proficisci nouerat; vt nomen Imperatoris prius non usurparit, quam à suo Antipapa Guiberto inunctus & coronatus fuisset.

Sed en suffragatorem omni exceptione maiorem, quem nobis dat Caluinista pro suis in Innocentium probris ac contumeliis, Leopoldum Episcopum Bambergensem lib. de veteri zelo Principum Germ. qui dicit; non legi in antiquis Chronicis ius & potestatem eligendi Regem Romanorum ab Ecclesia ad certos Principes Germania prouenisse; ideo Innocentium hoc afferere, propter recognitio nem per aliquem ex Regibus vel Imperatoribus Germanis, vel per Principes Electores ipsi Ecclesia Romane super hoc factam. Audit in: Baroni & Serari, clamat Caluinista, quid iste loquitur? Audiunt vel ex superis sedibus, quo utique doctissimus scriptor iam feliciter migravit. Audiunt, inquam, sed non vident, quomodo Leopoldus tuis conuiciis suffragetur: Non enim dicit; Innocentium, agrotantem, per somnum in suo contemplatio cerebro, hoc finxisse. Nil simile à Leopoldo audiunt; vt nec illud: hanc Imperatoris Eligendi potestatem à Sede Apostolica non fluxisse; sed tantum audiunt dieentem: nihil de hoc legi in antegressis Historiis vel Chronicis. Hinc sequi, Innocen-

nocentium hoc per recognitionem & confessionem alicuius Regis, Imperatoris vel Principis Electoris cognouisse; qualis recognitio & confessio est instrumentum illud Electorum, de quo Bellarminus, Baronius, Serarius. An hoc est dicere; Innocentum somniasse, ut tu impudenter vociferaris? An hoc est negare, ius Electorum & dignitatem à Sede Apostolica descendisse? Num dicit; *hanc rem fuisse inauditam ante Innocentium.*

At dicit; non fuisse testatam Historiis vel Chronicis. Num omnes viderat Leopoldus? Num vniuersas legerat? An non ex Archiis Romanæ Ecclesiæ vel ex traditione, vel ex scriptore, qui hodie non extet, Innocentius hoc discere potuit? Vnde ipsi metræ Principes qui *Innocentio hoc ius recognouere*, vt loquitur Leopoldus, id perspectum habuere? Et si Leopoldus Innocentio contradiceret, quis non videt, quem potius audire oportet?

Ad testimonium Clementis V. in Concilio Vienensi respondet Caluinista; eandem esse Clementis rationem, quæ sit Innocentij; nam illum in huius vestigiis pedes suos ponere; hoc est, *hac in contemplatione suo cerebro finxisse*. Sed nec artis neq; ingenij est calumniari, rusticatim præcipue, vt iste facit, *more suo solens*. Quis Pontifici cum generali Concilio aliquid ad Historiam superioris memorie spectans affirmanti, nō malit credere; quām nudiusquintus enato Caluinistæ, qui curius hoc à Sede Apostolica prouenisse inficietur, aliam rationem reddere nequit; quām inexsaturabile odium, quo in Papas flagrat.

Ad Epistolam Electorum mentitur; *eam impetratam per sub & obreptionem Germanos fuisse Historiarum imperitos nimis g. credulos*. Facile potuisse in fraudem induc-

y 2 Simi-

Simile propemodum respōsum dederat Iunius; cuius insulitatem iam in Defensione Bellarminiana ad caput ultimum lib. 3. de Translat. Imperij castigauimus. Ut Sycophantandi libidinem expleant, non verentur isti ipsos summos Principes iniuriis onerare. Quæso te, adeōne ipsi principes Electores, Dux Saxonie, Palatinus Rheni, Marchio Brandenburgensis ignorantes, & à doctis substituti erant; ut ex ignorantia publico instrumento confiterentur, sub Rudolpho Romanorum Rege, sc & maiores suos Electoralem dignitatem à Sede Apostolica accepisse? Quam dolendum, non existisse tunc Caluinianum istum vel Illyricum, qui à tanto errore tantos Principes, atque adeo totam Germaniam, liberarent.

Mentitur Caluinista, hanc Principum Electorum confessionem & recognitionē fuisse postea cassatam & annullatam in comitiis Reinensibus Anno Christi M. CCC. XXXVIII. Epistolā ad Benedictū Papam inde missā; in qua nihil penitus hac de re continetur. Tantum hoc assertunt Principes, se iura Imperij velle defendere. Quis impedit, quo minus impigre ea contra quos suis inuasores defendant? Num dicere; se iura Imperij tueri velle; est dicere; Ius electorum Imperij à Sede Apostolica non provenisse?

Quod præterea aiunt, Eum, qui eligitur concorditer, vel à maiore parte Principum Electorum, pro Rege Romanorum ab omnibus esse habendum, eumq; nec nominatione, approbatione, confirmatione, consensu, vel auctoritate Sedis Apostolica super administratione bonorum & iurium indigere, id tanquam in schismate Ludouici Bauari effusum accipi debet: Et quomodo cunque accipiatur, non probat id, quod probandum erat; videlicet, istos Principes reuo-

reuoasse confessionem & recognitionem de iure electorali à Sede Apostolica accepto, quam sub Rudolpho Rege palam fecerunt Imperij electores: aut etiam illam, quam fecit Albertus I. Imperator, Bonifacio Pontifici his verbis. *Recognoscens igitur quod Romanum Imperium per Sedem Apostolicam de Gracis translatum est in persona Magnifici Caroli in Germanos, & quod ius eligen- di Romanorum Regem, in Imperatorem postmodum promo- uendum, certis principibus Ecclesiasticis & secularibus est ab eadem Sede concessum, à qua Reges & Imperatores, qui fue- runt, & erunt pro tempore, recipiunt temporalis gladij pote- statem ad vindictam malefactorum, laudem vero bonorum; pia deuotione & sincero corde profiteor, quod Romanorum Re- ges in Imperatores postmodum promouendi per Sedem can- dem ad hoc potissime & specialiter assumuntur, ut sint sancte Romanae Ecclesia aduocati, Catholicae fidei ac eiusdem Ecclesiae precipui defensores.*

Adde, quod isti ipsi, qui ad Benedictum ex Comitiis Reinensibus scripsierunt, minimè affirmant; eum qui eligitur, eo ipso absolutum esse Imperatorem; sed Regem Romanorum; & titulum regium absque ulius amplius assensu usurpare, & Imperium titulo Regis (aut ut hodie vocant, *Electi Imperatoris*) administrare posse.

Petit Serarius, ut Sectarij vel vnum nominent, qui neget ius Electorale venisse ad Germanos à Sede Apostolica. Caluinianus dat pro uno quinque, Leopoldum Bambergensem; Georgium Alten secretarium Norimbergensem; Archigrammateum Colonensem; Ioannem Bämlerum, in suis Chronicis Germanicis; Et Marsilius Patauinus. Sed primus hoc non dicit, ut vidimus. Marsilius Schismaticus & Hæreticus est. Tres alii sunt obscurissi-

y 3 mi;

mi; neque dicunt, quod illis iste assingit: vt fatebitur, quisquis eorum verba perpenderit & expenderit. Et tamen Caluinista, thrasonicè, vide, inquit, Serari, quād dampniter munificus sim; pro uno teste, quem flagitasti, en tibi quinq. Quorum vnu duntaxat, & quem Serarius non magis postulabat, quād Illyricum, illud dicit, quod tu dictum velles.

Obseruetur autem impostura Caluinistæ in literis Ludouici Palatini Electoris admissa. Nam titulum ita proponit. *Ludouicus Dei gratia Comes Palatinus Rheni, Dux Bauariae, Ioannes & Adalbertus Duces Saxonie, Otto Marchio Brandenburgensis uniuersis presentem paginam inspecturis salutem in Auctore salutis.* Non enim easdem simul scripserunt litteras, sed singuli singulas, quamuis eodem propemodum verborum tenore, vt testatur Baronius Anno DCCCC.XCVI. qui harum Epistolæ exemplaria vidit & legit. Solus ergo Ludouicus scripsit suas. Solus Otho suas. Soli Ioannes & Adalbertus suas, diuisim scripserunt, inquam, non coniunctim; Et tamen Epistolæ diuersas conflat iste in suo Caluiniano conflatorio in vnam.

CAPVT XXIX.

De Confessione Augustana.

IDICVLVM factum; Etiam Augustanam Confessionem Constitutionibus Imperialibus Caluinista intexuit; Et quidem primigeniam illam, vt profitetur, non quam postea Philippus iterum iterumque recoxit ac reconcinnavit. Non inquiram an nobis det verba loco intactæ illius Confessionis inuidissimo Imp. Carolo V. oblatæ.

Creda-